

海陽縣志卷三十八

列傳七

夏宏

父建中子懋學

楊應試

薛洪

陳添桂

陳志頤

陳其美

薛虞畿

弟虞賓

林熙春

子益封

黃琮

曾用升

沈一芝

孫森

吳悅

黃錦

吳殿邦

余奕黃

原名志學

海陽縣志

卷三十八

列傳七

一

曾希堯

成子寬

楊開

子州俊

陳所獻

吳同赦

辜朝薦

弟朝采

鄒塗

蔡承瑚

洪夢棟棟父濬

梁應龍

鄭黃道

謝宗侯

陸應奎

弟漾波

謝宗瑄

李士長

陳廷策

薛學參

柯望

林孟森

陳瑞

廖泰

龔蕭欽 已上明

明

夏宏字銘乾父建中嘉靖庚子舉人官桂平令張連之亂潮守張  
臬以建中潮人知潮事檄從征有功陞橫州知州適有人命疑獄  
建中親自勘驗隨決爲政平易近人時稱循吏宏克承世德中隆  
慶庚午舉人選詔安知縣罷官歸授徒講學深究性命之蘊所著  
有天文地理性理銘乾子篆譜諸書行世學者稱銘乾先生子懋  
學字力庸少聰穎爲文奧異不經人道登萬厯癸卯舉人已未進  
士由海甯令謫順天府知事撻魏璫悍豎幾遭不測尋陞順天推  
官勲德陵工特擢戶部郎中歸聞甲申變慟哭尋卒夏氏自建中

海陽縣志

卷三十八

列傳七

一一

後凡三代皆祀鄉賢云

據周志張志參修

楊應試字敷虞隆慶丁卯舉人任福建邵武府推官清慎愛民陞  
江南松江府通判漕糧煩劇應試釐覈催運軍民兩得其便以母

老乞歸養卒年八十

據張志修

薛洪字梁南宗鎧子四歲宗鎧死於諫母丁氏痛哭殉節慈母林  
氏攜洪扶櫬南歸八歲能屬文督學吳鵬器之補郡學隆慶初詔  
恤忠臣後赴召命預贊大典讀書國子監尋乞歸養每侍必正衣  
冠親寒燠母林卒泣血三年枕苫苦次服闋選武定同知有廉能  
聲復乞休廬墓五載讓產於弟一姊一妹皆早寡加意周恤鄉居  
十八載屏跡公門守道王如水雅重之扁其堂曰清節著有詩集

成帙卒祀武定名宦

據城南書莊草修

陳添桂諸生莊泣之家僮泣家故饒隆慶二年巨寇林道乾破東溝寨莊生闔門匿複壁中添桂被獲寇窮其主所在曰入郡矣賊怒怵之對如初斷左手不吐復斷右足亦不吐賊怒甚斷其頭去生在複壁中備聞其語出見遇害狀哭之慟葬以子禮每伏臘祭報爲常今墓在畸溝田

據林忠宣集修

陳志頤字養洛坦之裔也萬曆癸酉舉人授廬州教諭分校廣西晉宣化令陞工部主事尋遷戶部郎中出守慶遠改梧州俱以清介稱值莫土官破岑溪縣志頤計擒之事聞擢貴州副使予告卒

於家祀鄉賢

據張志修

海陽縣志

卷三十八

列傳七

三

陳其美字卿實古樓鄉人狀魁梧美鬚髯博通經史萬曆丙子舉於鄉少孤事母至孝疾病不離側湯藥必親嘗計偕上春官道卒同年友鄭育漸表其墓曰昔韓昌黎爲歐陽生哀辭云瞻事父母盡孝道雖未得位其聲名流於人其德行信於朋友由今觀之謂陳君卽歐陽生可也里人以爲實錄

據周志修

薛虞畿字舜祥貢生隱韓山之麓以農圃自娛長吏造其廬踰垣遁去著有聽雨篷稿又按春秋紀年自隱訖哀於三傳國語檀弓及莊列寓言外綜舊史遺文輯爲春秋別典卒其弟虞賓續成之國朝陽湖孫星衍又爲注出書今廣州伍氏刻嶺南遺書中

據周志嶺

南遺書  
參修

林熙春字志和別號仰晉萬曆壬午舉人癸未進士授巴陵令清  
浮糧豁差役以內艱歸服闋補將樂縣修學宮建楊龜山祠尋擢  
戶科給事中歷任禮科兵科至工科都給事中多所建白如參東  
封減織造請免採回青諸疏皆於國體有關乙未冬兵部考選軍

政帝欲尋端罪言官一時被句斥者三十四人閣臣部臣疏救詔

旨轉嚴御史馬經綸抗疏帝大怒貶三秩熙春率同官上疏

其略曰臣

等待罪瑣闥愧無表見日者皇上斥去兩京科道三十有四人臣  
等過蒙優容存留供職卽捐頂踵豈足以報陛下惟是官以言設  
職以言盡而諸臣既以不言斥矣臣等顧影增慚冰兢蚤負日求  
所以拾遺補闕責難陳善以不負聖明廣厲言官至意而誠意未  
孚天威正赫叩闥尚有待也頃者河南道御史馬經綸慷慨陳言  
忠誠報國臣等私竊自慰謂皇上誠罪諸臣以不言矣幸有敢言  
如經綸者計轉圜止輦或旦夕可望乎迺吏部接出聖諭經綸竟  
從降調聖意深遠未易窺測其果以言罪抑乃以不言罪臣等未

### 海陽縣志

### 卷二十八

列傳七

四

之解也臣等蒙上之指若水之在孟方圓易嚮其當以言爲戒抑  
仍以不言爲戒臣等未之解也且同一言官也前所處者旣以不  
言被譴今馬經綸也又以敢言獲罪旬日之內詔旨數更一人之  
身進退維谷受諫則如轉石發號則如反汗此又臣等所未解也  
夫經綸之敢言與前句去諸臣之不言無兩非之理也陛下斥不  
言者又茹納所爲敢言者則諸臣將吞炭飲刃訟緘默之愆陛下  
逐敢言者又棄置所爲不言者則諸臣且借口揚眉收戇直之譽  
第諍臣得以收譽則人主不能辭愆臣竊謂陛下之計左也昔唐  
太宗謂侍臣曰朕每間居靜坐則內自省所以每有諫者縱不合  
朕意亦不以爲忤又曾問魏徵曰比來朝臣都不論事何也徵曰  
陛下虛心採納誠宜有言者爲溺職則臣等不難爲諍臣杰士進危  
者也倘果以不言者爲溺職則臣等不難爲諍臣杰士進危明憂  
盛之苦辭果以敢言者爲忤旨則臣等不難爲諍臣杰士進危明憂  
望風之故習願佞諛取寵則禍歸於人主而利歸於臣媚子效希  
則禍歸人臣而利歸人主兩相去天壤懸隔臣等功名富貴之  
念非與人殊死生榮辱之念非與人殊然甯爲此不爲彼者二祖  
列宗昭鑒之靈在上不忍負此生耳有如人諾人趨旅進旅退倏而  
後不忍負陛下且不忍負此生長安道揚揚意得臣等非有胸無心  
京堂倏而開府又倏而八座一生之拙計哉忠於謀國則詘於謀身  
豈不羨慕而顧爲此九死一生之拙計哉忠於謀國則詘於謀身

在聖明一  
加察耳

帝益怒左遷茶陵州判官遂引疾去丙午從茶陵州判  
官量移賀縣天啓初恩詔起廢以南儀曹轉光祿少卿太僕少卿  
右通政太僕寺卿太常寺卿大理寺卿所任各能其官尋疏乞休  
章六上晉戶部左侍郎予告仍俞尚書李宗延之請敕將先朝建  
言事宣付史館特賜馳驛異數也居鄉爲地方陳利病甚切其在  
郡者如爭監稅釋疲役倡建鳳凰臺三元塔修玉簡塔築銃城於  
海口濬三利溪修龍頭東集等橋又倡修文廟鄉賢祠捐貲贖浮  
屠田百畝爲諸生科試卷資在鄉者如築許隴隄橋建文昌閣創  
龍溪會館減龍溪里役十分之四諸所興革不遺餘力潮中士庶  
咸稱頌之家富藏書勤於著述所著有賜問草賜還草賜傳草城

## 海陽縣志

### 卷三十八

列傳七

五

南書莊草掖垣出山疏草行世年八十卒特贈三代尚書諡忠宣  
子益封字慎餘以父蔭官太常簿陞上林苑監在太常時與同官  
錢守廉善錢後由侍御出守潮州益封未嘗干以私厯資應得部  
郎東廠索賂拒之竟爲所抑年六十一卒於官

據明史馬經綸  
傳張志參修

黃琮號玉田萬厯戊戌進士授大理寺評事治獄多所平反出治  
饒州府百廢具舉治聲赫然時饒之宗室多驕恣琮悉繩之以法  
諸宗室噪於堂琮闔戶待變將具文解組父老率萬人掖琮升堂  
乞治事當事竟直琮尋移繁臨江尤多異政饒之民猶越境質成  
焉陞雲南督學擢福建按察使轉布政使曾因計冊註一小官年  
老偶見之年少壯甚悔然已報部無及矣明年以輯瑞至京謁吏

部自檢舉曰琮憑府縣冊報誤開某官年老驗之不然罪當自受不可誤此官功名也吏部歎爲長者礦稅內使橫恣多不法事琮於挽回中陰用箝制閩中官民得不隕越里居多年善自珍攝築東津隄建急水塔每月朔望給米賑飢施棺瘞枯骨孜孜行善惟恐不及卒年八十有九子鶴齡以明經授州吏目未仕卒據張志

曾用升字時甫周志張志俱云起東號九虛萬曆辛丑進士丰裁峻整由行人司擢試監察御史卽日上目擊時政頽壅可虞疏略曰梁永高淮未斧鑕而

東巡之張燧僅爲停止而不問夷情虜虜已蓄茹而各鎮之兵餉任其耗冒而不問況乎度支水衡之積若掃而買辦將作不休南

遼北旱之災異常而發帑罷權無日又上邪臣强辯飾奸疏庭折首座舉朝咋舌遂膺按豫之命用升持繡斧行部首彈稅監胡濱定宗室勤謗等三

## 海陽縣志

### 卷三十八

列傳七

六

童案人無敢以私干者嗣按衛輝參趙府承奉丁甯按開封參周府承奉徐進復參安吉王不法數事權貴斂手時東林諸公分門戶用升心惴之諫白朝政十事條陳洞鑑遼鎮李成梁有增賞媚虜棄地冒蔭罪狀用升屢以爲言豫地豐歉無常陌多旱田有司積穀不行出入鼠耗用升白諸朝申常平法識者以爲救荒上策然性狷介以參淮撫故爲當事所忌出副楚臬天啓二年召入爲尚寶司少卿時魏璫權勢震赫用升獨挺然自立以丁外艱歸家居課子弟睦里閤若不知其爲宦達者用升歷官二十餘年依然寒素卒不數年二子貧幾不能自存據周志張志曾氏家傳參修

沈一芝號玉簡事繼母如母撫三庶弟皆有恩幼聘孫氏比長陋

而眇孫請毀盟一芝曰古有貴而娶瞽女者卒娶之中萬厯丁酉  
舉人以疾不謁選

據周志張  
志參修

孫森字灼卿領萬厯庚子鄉薦選滁州知州值歲饑施賑有法太  
史焦竑語大京兆將著爲令云以覈倉庫之故爲墨吏王應期誣  
訐假劄褫職御史按部勘狀不實得白陞台州同知黔撫知其賢  
薦擢安順守時值安民叛後僅存空城初至憐民舍以居爲政三  
年生聚如故擢屯田監軍副使後爲生員董其化誣捏巡按疏糾  
逮勘總督朱燮元具疏昭雪復原官森里居寤歌不復出矣卒祀

鄉賢

據張志貴州  
通志參修

吳悅字朝懌萬厯癸卯舉人由教授陞四川馬湖推官攝巴州值

海陽縣志

卷三十八

列傳七

七

流寇猖獗人民鳥獸散悅收得丁壯百餘人相與死守城賴以全  
當事交薦擢新化牧未赴卒

據張  
志修

黃錦字絅庵萬厯己酉舉人天啓壬戌進士博學能文熟諳當代  
掌故由庶常授檢討與修神宗實錄適魏璫方燄將建生祠太學  
中擬轉錦爲司業錦笑曰吾安能以好官貽萬世笑端乎遂乞藩  
封冊使以出懷宗卽位始以少詹充日講官分較禮闈所拔皆知  
名士陞吏禮二部侍郎晉尚書敷厯清華二十載爲朝廷所倚重  
三推閣員以老乞歸賜存問加宮保林下二十餘年工詩善書學  
者仰爲麟鳳享年八十三子殿齡孝友多才登壬午賢書孫華能

世其業尤工草書云

同上

吳殿邦字爾達號海日萬歷壬子解元癸丑進士官通政參議陞尚寶卿博學能文善書尤工詩賦浮雲吟三十首一時傳誦又爲離合詩十二字勒之石屏自注藏書二百四首無能解者著有古權堂集匏谷詩集每刻成旋毀其版故不傳同上

余奕黃萬歷壬子舉人選授高明教諭有師範陞四川馬湖司理丁母艱歸服闋將赴補聞國變卒同上

曾希堯字伯勳教授里中事父母得其歡心晚歲好遠遊著有遠遊集郡邑紀異年七十卒於家據周志修

成子寬天啓辛酉舉人年十五補邑弟子員有神童之目授蒲江宰擇地建泮宮由是邑有科第再令博白殲倭寇數千人以最遷

## 海陽縣志

### 卷三十八

列傳七

八

思明府同知有奸人假稱制府中軍招搖恫喝子寬辨其僞捕置諸法上官壯之梧州經歷郭青霞從弟移鎮慶州道經博白爲亂兵所殺掠其妻女去子寬贖之召青霞而歸焉

國朝順治己丑起戶部河南司主事旋乞休卒祀鄉賢據阮志修

楊開字泰生又字悅之一廉曾孫原籍大埔遷海陽中天啓舉人崇禎丁丑除四川合江令丁艱起補湘陰養士恤民行團練計擒劇盜甘明陽許定寰時所在盜起開每放衙後輒嘔血數升言及國事淚下如雨癸未張獻忠破岳陽將逼湘陰開與長沙司李蔡道憲共籌守禦之策詣府請益兵爲武弁所扼八月十八日獻賊攻城一戰而潰城陷烈燄燭天開收餘燼退保白鶴洞以義激民



得丁壯數百相持八日援兵莫應長沙已失守矣九月初三日叛  
役李登導賊弁楊天桂猝至被執家人無一脫者越二日抵湘潭  
賊誘之降授以長沙知府開大罵曰我豈受賊官者恨不能爲國  
殺賊得從屈原遊幸矣挈妻章氏子州喆僕元長梅婢紫薇同沈  
湘江方赴義時賊奪其冠開曰吾豈可囚首見先帝乎整冠而死  
門人劉開先從閒出號泣列狀以聞是年冬流賊犯甯鄉薄暮見  
二人勒馬界口大呼殺賊賊不敢渡鄉民尾而詢之曰蔡司李楊  
湘陰也忽不見迄今並祀雙忠祠子州俊家居聞變閒關走嶺北  
求父骸以道梗不得達順治辛卯舉於鄉郝尚久之變謂同年主  
黃標曰吾等受國恩誓不爲逆黨所辱棄家之廣城至鐵江值他

## 海陽縣志

### 卷三十八

列傳七

九

賊不屈與標同遇害蓋父子前後殉節云

據周志參  
鹿洲集修

陳所獻字君賡海陽人籍普甯天啓辛酉舉於鄉崇禎戊辰成進  
士除保定推官折獄惟慎疑案多昭雪居官儉約如寒士政暇惟  
書史自娛時有權璫經道同官趨承恐後獻獨不爲禮璫恚甚後  
聞其賢爲之改容尋以行取入銓曹病卒

據府  
志修

吳同赦事親至孝平居以禮自閑父謙約不命之坐不敢坐日誦  
孝經以自勵謙約臨終口占一詩有有子由來能養志之句都人  
士爭傳之

據周  
志修

辜朝薦字端敬少穎慧天啓甲子舉人崇禎戊辰進士除桐城令  
癸酉分校南闈李青龔鼎孳咸出其門行取擢山東道御史改戶

科給事中劾首輔溫體仁文震孟時在宮坊作詩壯之請假歸假滿補禮科奉命冊封靖藩己卯秋督催三楚練饟百二十餘萬未四月報竣丁外艱服闋補禮科左給事中以督饟稱旨賜宴七次癸未會試同考得士二十一人居諫垣十年有疏草四卷甲申以禮科都給事督江左右粵東西四省糧饟北都失守聞變痛哭歸里著桑浦行吟乙酉澄寇倡亂決隄海邑盡爲澤國里人屢築屢潰朝薦命其子之潤築以灰石至今邑東南數都食其利以國難憂傷飄然世外斷跡里門者幾三十載卒年七十弟朝采字端章號願小邑諸生不樂科舉之學築四香堂聚書萬卷朝夕鍵戶人罕見其面鼎革後棄諸生遁去著述甚富晚年歸里尋卒

據府周志修

## 海陽縣志

### 卷二十八

列傳七

十

鄒塗字石可迪之孫少孤事母以孝聞崇禎辛未進士授戶部主事權河西務兼管漕運釐剔夙弊轉員外郎專理新饟升四川司郎中出知襄陽府假歸省母長跪受教而後履任張獻忠據穀城襄陽幾陷塗練兵籌饟出奇制勝閱四月而城得全御史林銘球薦署鄖襄監軍副使通禁旅兵變塗諭辭解之張獻忠詐降當事議籍帑犒軍塗謂獻忠叵測且無尺寸功糜庫藏不可以母老乞歸著有可園詩文集

同上

蔡承瑚字華夫少有雋才崇禎庚辰進士授崑山知縣爲治靜正邑人德之巡撫黃希憲爲承瑚房師慮其弗勝繁劇疏請調簡去之曰民皆流涕立碑頌其德乙酉澄寇破海邑七月黃海如復劫

掠上莆等鄉承瑚集鄉兵先後敗之自是賊遠遁所著有中庸藏  
枕善居集行世有洪夢棟者字東木父濬與婦林氏以孝行稱夢  
棟能世其德與承瑚友善同歲登進士未受職歸癸巳郡變破家  
助饗鬱鬱死

據張志修

謹案海陽學碑辜朝薦結銜題太常寺少卿鄒塗結銜題太

僕寺少卿舊志皆不載惟郭忠節集全潮已恢復陷疏

郭之奇撰

之奇仕桂王至大學士賜諡忠節順治十年潮鎮郝尚久叛附桂王越五月大師克復所謂已恢復陷者指此

稱

太常寺少卿辜朝薦毀家避敵現依勳臣成功

傳中所云斷跡里門卽指

此資望著於中外忠憤盈於懷抱宜會推樞貳或直推閩撫

太僕少卿鄒塗等宜分別陞擢歷官皆與碑合知二人曾仕

### 海陽縣志

### 卷三十八

列傳七

十一

桂王也又郭疏載洪夢棟爲吏科右給事與志稱不受職異  
癸巳爲順治十年尚久之叛正在其時所云郡變當卽指此  
所云破家助饗亦必曾仕桂王與尚久之亂矣尚久反覆狙  
詐卒因

天討窘迫自裁三人則勝國故臣雖抗拒顏行不失爲各志所事  
舊志於此皆諱言之伏讀

御批通鑑輯覽於唐桂二王時效節者皆隨條摭錄敬援斯義附  
案語證明之示不沒其實且仰副

聖天子闡揚忠義之盛心云爾

梁應龍號霖海世居東津天啓丁卯舉人崇禎戊辰進士授太平

府推官執法不阿權蕪湖關蠹吏斂手宣城富人死無子一侍婢有妊宗族利其財將逐婢而析其產未幾婢生兒泣抱赴訴應龍勘實立其子爲後杖族之豪者補四川保甯府推官預築梁山土地二關以扼流賊之衝蜀帥侯良柱冒上捷功一千九百餘級遮殺行人以足其數眾大譁應龍奉御史符按之亂始戢未幾流賊破安龍潼川二十餘城保甯震動時應龍已內召猶日與士大夫調度戰守五閱月賊解然後去由兵部調戶部員外郎升福甯道擒賊魁陳任聞國變棄官歸

據周志修

鄭黃道字灼凡父思賢增生潛心古學黃道少餽於庠有父風鍵戶讀書雖隆冬不設臥具爲古文詞兼擅諸家之勝崇禎閒拔貢

## 海陽縣志

### 卷三十八

列傳七

十一

選新甯訓導陞龍門教諭會山寇攻龍門黃道與縣令方某殫力謀堵禦守陴五月難解大吏詳其功陞廣西永甯知州殊命下一月而神京失守因賦歸撰述日富戶外問字之屢常滿子逢甯孫

世臣皆以文學顯

據張志韓江聞見錄參修

謹案阮通志載新甯訓導有鄭黃道龍門訓導有鄧黃道皆崇禎閒任實卽其人因附訂於此

謝宗侯字振敕攻苦力學手不釋卷場屋久不售志益堅年四十七舉崇禎癸酉鄉試第四性昂藏剛決負義俠善計事未仕卒

據張

志修

陸應奎崇禎壬午舉人有文名癸巳死於僞鎮郝尚久之亂弟漾

波己卯舉人風流軼宕聲氣半天下吳繭雪序其詩以行世卒於

廣州

據周志修

謝宗瑄字儒美澄海籍海陽人博學強記聰睿絕倫幼卽學詩稍長於漢魏三唐諸什無不蒐討其詩典雅婉秀饒有風韻工舉業試輒冠軍郭之奇薦應特用之典以母老不赴崇禎己卯領鄉榜第一性至孝事兄克謹父應詔任建昌府通判卒於官扶櫬南歸哀動行路兄早卒遺孤元汴五歲養育教誨使才名蔚起成崇禎癸未進士晚年世味澹然所著有觀古堂遯齋等集

據張志修

李士長字曰仁進士戶部郎中思悅孫自少操觚爲文吐棄一切邑令黃文煥深器之以其文有禪意溪花之致舉崇禎己卯鄉書

海陽縣志

卷三十八

列傳七

十二

淡於仕進能詩詩近嶺南七子當世高其品兄廷柱子明造皆舉

人

同上

陳廷策字穎夫一字觀墀崇禎拔貢性孝友樂行善事舉山林隱

逸不就著有暘山詩文集卒祀鄉賢子衍虞別有傳

據周志張志參修

薛學參字周魯諸生雍曾孫采之季子也事親至孝兄弟有五甘苦與共尺帛不私母患目疾晨起以舌舐其眵旋愈明季潮大亂負母避東山之輦客鄉時土寇四掠相戒不入其廬學參博覽諸史百家究心濂洛書以聖賢自期聞甲申之變慟哭累月續修采所著三山古蹟志及先世詩文藏於家

同上

謹案雍字子容饒平人著有集學參籍海陽始何時無攷所

稱先世詩文或卽雍所著歟

柯望處士安貧嗜學博極羣書尤邃於易時人稱其清介卒之日

無以殮門人殯之

據張志韓江  
聞見錄參修

林孟森字永茂

阮志稱潮陽  
人今從周志

能文章不樂仕進隱於壕墩號西湖

靜隱四世同居里中稱義門先生

據周  
志修

陳瑞幼失母事繼母黃蘇皆得其歡心父臥病九年躬奉湯藥無

閒日夕衣被汙穢必親為澣濯父曰有僕何自苦瑞曰子職當然

胡可弗躬鄰母有罵其子者曰汝何不學陳瑞其感人如此

同上

廖泰字哲庸性至孝父葬廬墓三年晚自置軒曰尚質因以為號

士林高其行為詩歌紀之

據張  
志修

海陽縣志

卷三十八

列傳七

十四

龔蕭欽字宏偉擅技勇崇禎甲申澄寇黃海如亂時郡城兵力單

薄紳庶捐餉募鄉兵五百請之當道設金城營拔蕭欽統之授都

司職銜海如數圍城蕭欽挺身力戰賊眾披靡桑梓賴以保全

王師定潮金城營廢以原職隨軍門平粵有功升參將

據周  
志修